

KATEGORIJE POTROŠNJE ELEKTRIČNE ENERGIJE U BOSNI I HERCEGOVINI

Javni snabdjevač: MH „Elektroprivreda RS“ ad Trebinje

Kategorije potrošnje:

- a) „potrošnja na 110 kV naponu“, za kupce koji preuzimaju električnu energiju na 110 kV naponu;
- b) „potrošnja na 35 kV naponu“ za kupce koji preuzimaju električnu energiju na naponskim nivoima 35 kV i više, uključujući naponski nivo 35 kV;
- c) „potrošnja na naponskom nivou od 1 kV do 35 kV“ za kupce koji preuzimaju električnu energiju na naponskim nivoima od 1 kV do 35 kV, uključujući i naponski nivo 1 kV;
- d) „ostala potrošnja na niskom naponu“ za kupce koji preuzimaju električnu energiju na naponskom nivou manjem od 1 kV osim kupaca iz kategorija potrošnje „domaćinstva“ i „javna rasvjeta“;
- e) potrošnja „domaćinstva“ obuhvata potrošnju električne energije u stanovima, kućama za stanovanje i odmor, potrošnju za osvjtljenje pripadajućih sporednih prostorija za domaćinstvo, garaža, prilaza stambenim objektima, stubišnu rasvjetu, liftove i zajedničke TV – uređaje;
- f) potrošnja „javna rasvjeta“ obuhvata potrošnju električne energije za rasvjetu ulica, trgova, puteva, mostova, tunela na putnim komunikacijama, pješačkih prelaza, uređaja za signalizaciju, parkova i istorijskih spomenika.

Kupci električne energije u kategoriji potrošnje „domaćinstva“ razvrstavaju se u sljedeće tarifne grupe:

- a) 1. tarifna grupa kupaca kod kojih se aktivna električna energija mjeri jednotarifnim brojiлом;
- b) 2. tarifna grupa kupaca kod kojih se aktivna električna energija mjeri dvotarifnim brojiлом.

Po tarifnim stavovima utvrđenim za kategoriju potrošnje „domaćinstva“ obračunava se električna energija isporučena za potrošnju u dječijim jaslicama i vrtićima, domovima za djecu lišenu roditeljskog staranja, domovima i internatima za đake i studente, domovima za djecu ometenu u psihofizičkom razvoju, domovima za vaspitno zapuštenu djecu i omladinu, domovima za stare osobe i distrofičare, domovima za stalni smještaj penzionera, domovima za smještaj invalida, gluhih i slijepih lica, kancelarijama humanitarnih organizacija i crvenog krsta, udruženjima hendikepiranih lica i vjerskim objektima.

Kupci električne energije u kategoriji potrošnje „ostala potrošnja na niskom naponu“ razvrstavaju se u sljedeće tarifne grupe:

- a) 1. tarifna grupa - krajnji kupci, kod kojih se obračunska snaga utvrđuje mjerenjem vršne snage, a aktivna električna energija mjeri dvotarifnim brojiлом;
- b) 2. tarifna grupa - krajnji kupci kod kojih se vršna snaga ne mjeri, a aktivna električna energija se mjeri jednotarifnim brojiлом;
- c) 3. tarifna grupa - krajnji kupci kod kojih se vršna snaga ne mjeri, a aktivna električna energija se mjeri dvotarifnim brojiлом;
- d) 6. tarifna grupa - krajnji kupci koji obavljaju posebnu poljoprivrednu djelatnost, kod koje se električna energija koristi za potrošnju u mini farmama za tov peradi, junadi i svinja, u objektima za proizvodnju jaja, sušenje duvana, preradu mlijeka i laktofrizima, ako njihova angažovana snaga ne prelazi 25 kW, i kod kojih se vršna snaga ne mjeri, a aktivna električna energija mjeri jednotarifnim brojiлом;
- e) 7. tarifna grupa - krajnji kupci koji obavljaju posebnu poljoprivrednu djelatnost, kod koje se električna energija koristi za potrošnju u mini farmama za tov peradi, junadi i svinja, u objektima za proizvodnju jaja, sušenje duvana, preradu mlijeka i laktofrizima, ako njihova angažovana snaga ne prelazi 25 kW, i kod kojih se vršna snaga ne mjeri, a aktivna električna energija mjeri dvotarifnim brojiлом.

Kupci iz kategorije „ostala potrošnja na niskom naponu“, čija je vršna snaga iz rješenja o elektroenergetskoj saglasnosti veća od 42 kW, obavezni su obezbijediti uslove da im se obračunska snaga, aktivna električna energija i prekomjerno preuzeta reaktivna električna energija utvrđuje mjerenjem.

Kupci iz kategorije „ostala potrošnja na niskom naponu“, čija je vršna snaga iz rješenja o elektroenergetskoj saglasnosti manja od 42kW, mogu se svrstati u 1. tarifnu grupu u kategoriji „ostala potrošnja na niskom naponu“ pod uslovom da obezbijede uslove da im se obračunska snaga, aktivna električna energija i prekomjerno preuzeta reaktivna električna energija utvrđuju mjerenjem.

Krajnji kupac može promijeniti kategoriju potrošnje i/ili tarifnu grupu najviše jedanput godišnje, odnosno 12 mjeseci po isteku posljednje promjene, ukoliko je ispunio uslove utvrđene ovim tarifnim sistemom.

Javni snabdjevač JP „Elektroprivreda BiH“ d.d. Sarajevo

Kategorije potrošnje:

- a) kupci koji električnu energiju preuzimaju na 110 kV naponu i višem,
- b) kupci koji električnu energiju preuzimaju na 35 kV naponu,
- c) kupci koju električnu energiju preuzimaju na 10(20) kV naponu,
- d) domaćinstva, koja električnu energiju preuzima na 0,4 kV naponu,
- e) ostala potrošnja, koja električnu energiju preuzima na 0,4 kV naponu,
- f) javna rasvjeta, koja električnu energiju preuzima na 0,4 kV naponu.

Grupe unutar kategorije potrošnje domaćinstva su:

- a) I tarifna grupa, kupci koji posjeduju jednotarifno ili dvotarifno brojilo bez uklopnog sata ili nekog drugog uređaja za upravljanje tarifom,
- b) II tarifna grupa, kupci koji posjeduju dvotarifno brojilo sa uklopnim satom ili nekim drugim uređajem za upravljanje tarifom.

Kupcima I i II tarifne grupe iz ovog člana, obračunava se izmjerena aktivna električna energija i mjesečna naknada po mjernom mjestu kupca.

(1) Grupe unutar kategorije ostala potrošnja su:

- a) I tarifna grupa, kupci priključeni na 0,4 kV napon, koji nisu domaćinstva niti javna rasvjeta, a koji isključuju kupce iz tačke c. i d. stava 1. ovoga člana i imaju vršno opterećenje iz elektroenergetske saglasnosti veće ili jednako od 23 kW i istu ne može mjenjati i prelaziti u neku drugu tarifnu grupu,
- b) II tarifna grupa, kupci priključeni na 0,4 kV napon, koji nisu domaćinstva niti javna rasvjeta, a koji isključuju kupce iz tačke c. i d. stava 1. ovoga člana i imaju vršno opterećenje iz elektroenergetske saglasnosti manje od 23 kW,

c) III tarifna grupa, kupci priključeni na 0,4 kV napon i to:

- jaslice, vrtići, obdaništa,
- domovi za smještaj djece, učenika, studenata, vjerskih službenika, invalida, lica sa umanjenom sposobnošću, staraca i umirovljenika,
- vjerski objekti i kuhinje humanitarnih organizacija,
- privredna društva, ustanove i organizacije lica sa invaliditetom u skladu sa Zakonom o profesionalnoj rehabilitaciji, osposobljavanju i zapošljavanju lica sa invaliditetom („Službene novine Federacije BiH“ broj 9/10), te posjeduju jednotarifno ili dvotarifno brojilo bez uklopnog sata ili nekog drugog uređaja za upravljanje tarifom,

(d) IV tarifna grupa, kupci priključeni na 0,4 kV napon i to:

- jaslice, vrtići, obdaništa,
- domovi za smještaj djece, učenika, studenata, vjerskih službenika, invalida, lica sa umanjenom sposobnošću, staraca i umirovljenika,
- vjerski objekti i kuhinje humanitarnih organizacija,
- privredna društva, ustanove i organizacije lica sa invaliditetom u skladu sa Zakonom o profesionalnoj rehabilitaciji, osposobljavanju i zapošljavanju lica sa invaliditetom („Službene novine Federacije BiH“ broj 9/10), te posjeduju dvotarifno brojilo sa uklopnim satom ili nekim drugim uređajem za upravljanje tarifom,

Ukoliko ni Javno preduzeće Elektroprivreda Bosne i Hercegovine d.d. - Sarajevo ni krajnji kupac ne posjeduju kopiju izdate elektroenergetske saglasnosti, tada ostvarenje vršnog opterećenja iz prethodnog perioda određuje pripadnost određenoj grupi unutar vršnog opterećenja iz prethodnog perioda određuje pripadnost određenoj grupi unutar kategorije ostala potrošnja.

Kupcima I tarifne grupe iz ovog člana, obračunava se izmjerena aktivna električna energija, vršna snaga izmjerena u vrijeme primjene većih dnevnih tarifnih stavova (obračunska snaga), prekomjerno preuzeta reaktivna električna energija i mjesečna naknada po mjernom mjestu kupca.

Kupcima II, III i IV tarifne grupe iz ovog člana, obračunava se izmjerena aktivna električna energija i mjesečna naknada po mjernom mjestu kupca.

Javni snabdjevač JP „Elektroprivreda HZHB“ d.d. Mostar

Kategorije potrošnje:

- a) kupci koji električnu energiju preuzimaju na 110 kV naponu i višem
- b) kupci koji električnu energiju preuzimaju na 35 kV naponu
- c) kupci koji električnu energiju preuzimaju na 10(20) kV naponu
- d) domaćinstva, koja električnu energiju preuzimaju na 0,4 kV naponu
- e) ostala potrošnja, koja električnu energiju preuzima na 0,4 kV naponu
- f) javna rasvjeta, koja električnu energiju preuzima na 0,4 kV naponu.

Grupe unutar kategorije potrošnje domaćinstva su:

- a) I tarifna grupa, kupci koji posjeduju jednotarifno ili dvotarifno brojilo bez uklopnog sata ili nekog drugog uređaja za upravljanje tarifom,
- b) II tarifna grupa, kupci koji posjeduju dvotarifno brojilo sa uklopnim satom ili nekim drugim uređajem za upravljanje tarifom.

Kupcima I i II tarifne grupe iz ovog člana, obračunava se izmjerena aktivna električna energija, 1 kW obračunske snage i mjesečna naknada po mjernom mjestu kupca.

Grupe unutar kategorije ostala potrošnja su:

- a) I tarifna grupa, kupci priključeni na 0,4 kV napon, koji nisu domaćinstva niti javna rasvjeta, imaju vršno opterećenje iz elektroenergetske saglasnosti veće ili jednako od 23 kW i istu ne može mijenjati i prelaziti u neku drugu tarifnu grupu,
- b) II tarifna grupa, kupci priključeni na 0,4 kV napon, koji nisu domaćinstva niti javna rasvjeta, imaju vršno opterećenje iz elektroenergetske saglasnosti manje od 23 kW i posjeduju dvotarifno brojilo sa uklopnim satom ili nekim drugim uređajem za upravljanje tarifom,
- c) III tarifna grupa, kupci priključeni na 0,4 kV napon, koji nisu domaćinstva niti javna rasvjeta, imaju vršno opterećenje iz elektroenergetske saglasnosti manje od 23 kW i posjeduju jednotarifno brojilo ili dvotarifno brojilo bez uklopnog sata ili nekog drugog uređaja za upravljanje tarifom.

Ukoliko ni Javno poduzeće „Elektroprivreda Hrvatske zajednice Herceg Bosne“ dioničko društvo Mostar ni krajnji kupac ne posjeduju kopiju izdate elektroenergetske saglasnosti, tada ostvarenje vršnog opterećenja iz prethodnog perioda određuje pripadnost određenoj grupi unutar kategorije ostala potrošnja.

Kupcima I tarifne grupe iz ovog člana, obračunava se izmjerena aktivna električna energija, vršna snaga izmjerena u vrijeme primjene većih dnevnih tarifnih stavova (obračunska snaga), prekomjerno preuzeta reaktivna električna energija i mjesečna naknada po mjernom mjestu kupca.

Kupcima II i III tarifne grupe iz ovog člana, obračunava se izmjerena aktivna električna energija, 1 kW obračunske snage i mjesečna naknada po mjernom mjestu kupca.